



SANCTISSIMI DOMINI NOSTRI, DOMINI

P I I

DIVINA PROVIDENTIA PAPÆ VI.

C O N S T I T U T I O

Qua Pœnitentiariis in Basilicis , & Ecclesiis  
Urbis deputatis , & hoc Anno Sancto  
deputandis :

I T E M

Confessariis a Cardinali Urbis Vicario  
designandis ,

*Facultates eodem Anno exercendæ, præter eas a Cardinali  
Majori Pœnitentiaro, ipsius Encyclicis Litteris  
impertitas, conceduntur ,*

Adjectis Monitis pro recto earum usu, necnon Declarationibus  
opportunis .



R O M Æ M D C C L X X V .


Ex Typographia Reverendæ Cameræ Apostolicæ .

THE UNIVERSITY OF CHICAGO

LIBRARY

1913

1913



# PIUS EPISCOPUS

SERUUS SERVORUM DEI

*Ad futuram rei memoriam.*



U BI primum Divino impercepto consilio ad Beatissimi Apostolorum Principis Cathedram assumpti fuimus, atque illam Paraclyti Spiritus virtutem accepimus, qua Ipse posuit Nos Ecclesiam Dei regere, & gubernare; maxima quidem persui fuimus formidine, cum Nos tanto ferendo oneri prorsus impares agnosceremus. Verum infirmitati Nostrae vim & robur addidit ea consideratio, quod recurrente hoc propitiationis, & veniae tempore supra Domini cum Gregem fuimus constituti: Etenim quemadmodum immensa Dei bonitas modo Ecclesiae filios, ac pravaricatores omnes ad cor revocans, divitiarum suarum thesaurum erga Fideles omnes velut effundit; Ita majori spe adducimur, ut praecipue Nobis spiritum sapientiae & intellectus, spiritum consilii & fortitudinis abunde tribuat. Ideo maxima nostra inter plures suscepti nuper Apostolici ministerii curas, in hoc versatur, ut praesenti Jubilaei Anno jam inchoato, Populi Religionis causa ad Urbem Nostram, uti novam Jerusalem confluentes, paratos habeant Dei Ministros peramplis facultatibus suffultos, qui vere Poenitentes a quibusvis reatibus exsolvere valeant: Unde Divinae participes gratiae revertentes ad propria, vere filii Dei nominentur, & sint.

I. Quamvis autem imminente jam maximi Jubilaei celebritate a recol. mem. Clemente PP. XIV. immediato Praedecessore Nostro in Feste

Festo Dominicæ Ascensionis mox præterito indicta, cum Apostolicæ Sedes adhuc supremo careret Ecclesiæ universalis Pastore; Dilectus Filius Noster Joannes Carolus Tituli Sanctorum Joannis, & Pauli Sanctæ Romanæ Ecclesiæ Presbyter Cardinalis Boschi nuncupatus, uti Sanctæ Sedis Apostolicæ Major Pœnitentiarius, ex munere sui debito, & vigore facultatum à Prædecessoribus etiam Nostri Summis Pontificibus Officio Majoris Pœnitentiarii attributarum, quas potissimum Deceßor quoque Noster Benedictus Papa XIV. in suis Constitutionibus, quarum altera = *Pastor bonus* = altera vero = *In Apostolicæ Pœnitentiariæ Officio* = habet initium, complexus fuit, & ampliando recensuit, per suas Encyclicas Litteras Pœnitentiariis minoribus ab eo deputatis, ac deputandis in Basilicis Sancti Joannis Lateranen., & Sancti Petri in Vaticano, ac Sanctæ Mariæ Majoris, necnon Sancti Pauli extra mœnia, atque aliis Urbis Nostre Ecclesiis, itemque Confessariis a dilecto Filio Nostro Marco Antonio Tituli Sanctæ Mariæ de Pace ejusdem Sanctæ Romanæ Ecclesiæ Presbytero Cardinale Columna nuncupato, in ipsa Urbe ejusque districtu Vicario etiam modo Nostro in spiritualibus Generali, vertente Jubilei Anno juxta morem deputatis pariter, & deputandis opportunas, distinctas tamén, facultates concesserit & impertitus fuerit, prout in memoratis Litteris sub datum xv. Kalendas Januarii Anni proxime evoluti plenius continetur: Nihilominus, ut Fidelium vere pœnitentium necessitatibus sit opportune consultum, alias nedum circa absolutiones, sed quoad dispensationes pariter magis amplas facultates impertiri intendimus: Motu igitur proprio, & ex certa scientia, ac de Apostolicæ potestatis plenitudine supra enunciatis Litteras confirmamus in primis, atque ita approbamus, ut iidem Pœnitentiarii minores, iidemque Confessarii illis libere, & valide respective uti queant.

II. Deinde concessam in præfatis Litteris facultatem Pœnitentiariis minoribus ad absolvendas quasvis Personas sibi consistentes ita ampliamus, ut illas absolvere idcirco possint, per se ipsos tamen, & in Foro conscientie dumtaxat, a quibuscumque culpis, criminibus, & excessibus, quantumcumque gravibus, & enormibus: Necnon ab omnibus excommunicationis suspensionis & interdicti, aliisque censuris & pœnis Ecclesiasticis præmissorum criminum occasione latis, & per illas incurfis, etiam in casibus cuicumque, ac Summo Pontifici, & Sedi Apostolicæ speciali licet forma reservatis, & qui alias in concessione quamvis ampla non intelligerentur concessi; exceptis dumtaxat illis, qui in Litteris Apostolicis super facultatibus Cardinalis Majoris Pœnitentiarii, & Apostolicæ Pœnitentiariæ Officii eidem Cardinali, ejusque Officio leguntur interdicti sub §. primo prædictæ Constitutionis *Pastor bonus* ver. *Principes*; ver. *Minusque possit*. ver. *Nec pariter possint*. & ver. *Nec similiter valeat*; injunctis salutaribus Pœnitentiis, illisque

isq;ue distinctis ab operibus, quæ pro Jubilæo præscripta sunt, non obstante ejusdem Jubilæi Indulto, & injunctis aliis de jure injungendis.

III. Absolutionem tamen a censuris propter hæresim formalem, externam incurfis impertiri non possint, nisi iis, qui hæresis complicem non habeant, vel si habent quidem hæresis complicem, pro casu dumtaxat quo ejusmodi complex, aut complices in regionibus, ubi hæresis impune grassatur, existunt, & degunt: prævia in utroque casu coram ipso Confessario abjuratone hæresis secreta, prout etiam in memoratis Encyclicis Litteris cautum est.

IV. In cæteris autem concessis absolutionum casibus, eas omnino conditiones servant, quæ juxta varietatem casuum in iisdem Litteris adiectæ laudabiliter sunt.

V. Concedimus præterea iisdem Pœnitentiariis minoribus, ut dispensare possint super visitatione quatuor Basilicarum cum exteris, qui, vel ob paupertatem, vel ob aliam urgentem causam in Urbe remanere non possunt, aut reducendo ad tres saltem dies visitationes earumdem, quatuor Basilicarum alioquin per quindecim dies ab iisdem visitandarum; vel visitationes præscriptas in alia pia opera ad ipsorum Pœnitentiariorum prudens arbitrium commutando.

VI. Cum Civibus autem, & Incolis Romanis, qui morbo, vel aliquo legitimo impedimento detenti non valent prædictas Basilicas visitare, possint præscriptas iisdem per triginta dies visitationes in alia pia opera, quæ illorum possibilitati proportionata esse viderint, dispensando commutare, suam tamen conscientiam oneraturi, si super hujusmodi visitationibus inconsulto, & sine justa & rationabili causa, si-ve cum exteris, si-ve cum Romanis Civibus, aut Incolis dispensaverint.

VII. Aliis autem concessis dispensationum facultatibus non a litentantur, quam ad formam in præcitatis Litteris præscriptam.

VIII. Confessarii porro pro hoc Anno Sancto a memorato Cardinali Vicario designati aut designandi, se omnino gerant quoad absolutionem a censuris, ac peccatis, & quoad dispensationes juxta facultates ipsis concessas in suis Litteris a Cardinali Majori Pœnitentiarario; facta iisdem quoque facultate dispensandi circa visitationes præscriptas quatuor Basilicarum eodem prorsus modo, ac Pœnitentiariis minoribus facta est.

IX. Atque ita pariter se gerant Confessarii Regulares quicumque alias ejusdem Cardinalis Vicarii, seu ipsius Vicesgerentis approbationem ad Confessiones habentes, & insuper per suos respective Regulares Prælatos, seu Superiores ad excipiendas suorum Religiosorum Confessiones deputati, concessa ipsis etiam facultate dispensandi circa visitationes Basilicarum cum suis ejusdem Cœnobii, seu Domus Regularis pœnitentibus eodem, quo supra dictum est modo.

X. Jam vero communi, tam Confessariorum, quam poenitentium utilitati, ac Spirituali solatio provide intendentes, nonnullas hic etiam declarationes, seu magis apertas voluntatis nostrae significati ones super hoc indicto praesentis Anni Sancti Jubilaeo subnectere opportunum duximus; quibus inspectis, ac diligenter, ut par est, animadversis, pleraque insurgentia dubia anteverti posse, aut facile solutum iri non dubitamus. Ex autem sunt quae sequuntur.

XI. Personis Romam ad hoc Jubilaeum consequendum venire volentibus non intelligitur data veniendi libertas, sive licentia sine obtento alias necessario suorum respective Superiorum consensu.

XII. Romanorum appellatione quoad visitationes quatuor Basilicarum per triginta dies peragendas comprehenduntur omnes & singuli nati, atque habitantes Romae, sicut etiam nati, atque habitantes in suburbano vinearum tractu intra quintum ab Urbe lapidem. Incolarum autem nomine ad eundem effectum intelliguntur omnes illi, qui certum aliquod Officium in Urbe obtinent, seu cum spe illud obtinendi moram ibidem trahunt, idcirco in ipsa quasi domicilium acquirunt: omnesque illi, qui ad eandem Urbem vel ad aliquem Suburbanum Locum intra quintum lapidem, ut supra, se contulerunt alia quacunque causa, quam praesentis Jubilaei lucrandi, vel si ipsius lucrandi causa ad Urbem accesserint, eo tamen animo sunt, ut per majorem anni partem seu ultra sex menses ibi commorentur. Reliqui omnes Peregrinorum aut externorum nomine quoad visitationes earundem Basilicarum per quindecim dies se comprehensos intelligant.

XIII. Confessionem, & Communionem pro hoc Jubilaeo consequendo junctas non necesse est visitationibus quatuor Basilicarum praemittere, satis erit vel in hujusmodi visitationum decursu, vel etiam post easdem visitationes expletas Confessionis, & Communionis Sacramenta suscipere.

XIV. Cum Confessio Sacramentalis in Jubilaeo sit opus junctum, peragenda eadem erit etiam ab eo, qui solis peccatis venialibus teneatur, si hoc lucrari Jubilaeum velit.

XV. Si quis post Confessionem peractam in lethale peccatum (quod Deus avertat) inciderit; ante quam omnia omnino opera pro Jubilaeo hoc lucrando juncta expleverit, Confessionem denuo praemittere debet prius, quam ultimam saltem ex aliis junctis operibus expleat, ut Indulgentiam hoc Jubilaeo concessam consequatur.

XVI. Quamvis juncta pro hoc Jubilaeo Communio sit, Pueri tamen, qui nondum ad primam Communionem admissi fuissent, neque intra hunc Annum Sanctum Parochi proprii, vel Confessarii judicio admittendi videantur, censeri possunt ab isto juncto opere legitime impediti, eisdemque Communionem in aliud pium opus arbitrio Confessarii praescribendum commutari permittimus.

XVII. Ad iunctam Basilicarum visitationem perfolendam non opus est in easdem Basilicas per Portas Sanctas, vel per harum aliquam ingredi, vel egredi.

XVIII. Si quod superveniat Indultum, quo præscriptus initio visitationum numerus ad minorem redigatur; quisquis ante id Indultum visitationes peregerit paucioribus numero diebus, quam qui in Indulto præscribuntur, in visitationes a se jam peractas utiliter computare poterit ad consuevendum numerum visitationum huiusmodi Indulto præscriptarum; superaddendo nimirum alias, quæ desunt ad explendam summam Indulto præfinitam. Si vero eam summam, seu numerum antea jam explevisset, vel etiam excessisset; unum saltem diem visitationis quatuor Basilicarum præterea adjungat, ut Indulti beneficio frui valeat.

XIX. Injunctæ piæ preces in singularum visitatione Basilicarum ad fines in præcitata Constitutione S. M. Clementis PP. XIV. Prædecessoris Nostri pro Indictione universalis Jubilæi expressos effundendæ satis erit, si vocales fuerint. Qui sola mente ad eosdem fines devote orare voluerit laudandus est; aliquam tamen etiam vocalem orationem adjungat.

XX. Qui hoc Anno Sancto bis aut pluries omnia & singula opera, vel primitus in hujus Jubilæi indictione præscripta, vel super eisdem, forsan aliquo Indulto, ea quæ in ipsius Indulti constitutione pro ejusdem Jubilæi consecutione præscribuntur, plene iteraverit, vel prius ad indictionis, deinde ad Indulti formam, vel prius ad formam Indulti unius, deinde ad alterius, fortasse diversi formam, ut præfertur, iteraverit; bis quoque aut pluries poterit hoc Anno Sancti Jubilæum lucrari. Nos enim habita ratione annui spatii, ad quod huiusmodi Jubilæum pretenditur, ita de Apostolica liberalitatis plenitudine concedimus, & indulgemus. Hoc tamen declarantes, neminem posse, nisi semel, id est primam tantum vicem, frui seu potiri favoribus huius Jubilæi adjunctis; quare post primam vicem nullus gaudere amplius poterit beneficio aut absolutionum, a novis censuris & casibus reservatis de novo, fortasse contractis, aut commutationum aut dispensationum, in facultatibus superius politis contentarum.

XXI. Absolutiones a censuris, præterquam datæ ad reincidentiam, qualis, exempli gratia, datur in casu expresso in præmemoratis Synodælicis Litteris, ubi de facultatibus minorum Pœnitentiæ eorum agitur §. VII.; commutationes item votorum, & dispensationes juxta concessas hoc Anno respectivas facultates semel obtinentæ permittunt in suo vigore, etiamsi contigerit eum, qui illas jam obtinuerat, mutato postea, quod prius habuerat, sincero & serio proposito Jubilæum hoc lucrandi, ac proinde reliqua ad id lucrandum necessaria opera adimplendi, de eodem Jubilæo consequendo amplius non laborare. Suf-



## (VIII)

XXII. Suspendio facultatum absolvendi, dispensandi &c pro hoc Anno Sancto a S. M. Clemente PP. XIV. indicta per alias Litteras Apostolicas incipien. = Cum Nos nuper = Datas Idibus Maii proximipræteriti non comprehendit ipsam Romanam Urbem, in qua hoc maxime Anno præstat Operariorum copiam; & auxilia pro expediendis Pœnitentibus non imminui. Quicumque ergo in eadem alma Urbe hujusmodi facultatibus alioquin legitime muniti reperiantur, easdem per hunc quoque annum in ipsa Urbe juxta tenorem uniuscujusque concessionis alias obtentæ exercere libere poterunt.

XXIII. Extra Urbem vero servanda omnino erit suspensio facultatum in præfatis Litteris expressa, perquam non modo facultates illas, quæ causa, vel occasione Indulgentiarum concessæ fuissent verum etiam cæteras quaslibet quocumque alio titulo & causa concessas, prædicto anno durante, suspendas esse, & censeri debere, exceptis dumtaxat illis, quæ in præmissis Litteris ab ipsa generali suspensione præservatæ sunt: præsentium tenore, quatenus opus sit, & pari auctoritate adiicimus & declaramus.

XXIV. Præmemorati porro Pœnitentarii, & Confessarii noverint præmissas omnes absolutionum, dispensationum, & commutationum facultates non aliter concessas sibi esse, quam ad expressam in supracitatis Litteris Cardinalis Majoris Pœnitentarii formam §§. præsertim XXX. XXXI. XXXII., & XXXIII., ut servare illam idcirco omnino debeant, ac cætera etiam in eisdem Litteris præscripta, quæ ampliori facultatum concessioni per præsentem factæ non adverteatur.

Præsentem autem Litteras, omnesque & singulas concessionem, limitationes, monita, declarationes, ac voluntatis Nostræ significationes in his contentas de nullo defectu impugnari, aut redargui posse, sed omnimoda firmitate validas esse, & censeri, & ab iis omnibus, ad quos pertinet, exactissime observari, eisque etiam, quorum favorem respective concernunt, plenissime suffragari volumus, atque decernimus. Non obstantibus quibuscvis Apostolicis, seu in universalibus Provincialibus, aut Synodalibus Conciliis editis Constitutionibus & Ordinationibus, nec non quarumcumque Personarum, aut Ordinum etiam Mendicantium, Congregationum & Institutorum etiam speciale & individuum mentionem promerentium, etiam Juramento Confirmatione Apostolica, vel quavis firmitate alia roboratis, statutis, legibus, usibus, & consuetudinibus etiam immemorabilibus; Indultis quoque, & Privilegiis etiam Mari magno, seu Bulla aurea, aut aliter nuncupatis, & sub quibuscumque tenoribus & formis, & cum quibuscvis etiam suspensionum & derogationum derogatoriis, aliisque efficacioribus clausulis, seu irritantibus Decretis, etiam simili motu, scientia, & potestatis plenitudine, & alias quomodolibet concessis & iteratis vicibus confirmatis & innovatis: Quibus omnibus & singulis, quatenus præsentibus in aliquo

quo adversari dignoscantur ; illis alias in suo robore permansuris , pro hac vice dumtaxat amplissime & latissime , ac specialitet & expresse , velut si eorum tenores presentibus per extensum inserti forent , derogamus & derogatum censei volumus , & decernimus .

Nulli ergo omnino hominum liceat hanc paginam nostrarum concessionum, limitationum monitorum, declarationum, mandatorum, decretorum, & voluntatis infringere , vel ei ausu temerario contraire : si quis autem hoc attentare præsumpserit , indignationem Omnipotentis Dei , ac Beatorum Petri & Pauli Apostolorum ejus se noverit incursum .

Datum Romæ apud Sanctum Petrum, Anno Incarnationis Dominicæ Millesimo septingentesimo septuagesimo quarto , Quinto Kalendas Martii, Pontificatus Nostri Anno Primo .

A. Card. Nigronus Pro-Datarius. J. Card. de Comitibus .

V I S A

De Curia J. Manassci .

Loco ✠ Plumbi .

L. Eugenius .

*Registrata in Secretaria Brevium .*

*Anno a Nativitate Domini Nostri Jesu Christi Millesimo septingentesimo septuagesimo quinto , Indictione octava , die vero Vigesima sexta Februarii Pontificatus Sanctissimi Domini Nostri Domini PII PP. VI. supradictæ Litteræ Apostolicæ affixæ , & publicatæ fuerunt in Atrio Basilicæ Principis Apostolorum , & Basilicæ Lateranensis , & Sanctæ Mariæ Majoris , & ad valvas Cancellariæ Apostolicæ , & Magnæ Curie Innocentianæ in Monte Citorio , & in Acie Campi Flore , ac in aliis locis solitis , & consuetis Urbis per me Antonium Besuni Apostolicum Cursorem .*

Petrus de Ligne Magister Curforum .

1. The first step is to identify the problem or question that needs to be answered. This involves understanding the context and the specific requirements of the task.

2. Next, gather relevant information and data. This can be done through research, consultation with experts, or by analyzing existing data sets.

3. Once the information is gathered, it is important to analyze it carefully. This involves identifying patterns, trends, and potential causes or solutions.

4. After analysis, a plan or strategy should be developed. This plan should outline the steps that need to be taken to address the problem or answer the question.

5. The final step is to implement the plan and monitor the results. This involves putting the plan into action and tracking progress to ensure that the goal is being met.

... *... ..* ...

1. *Chlorophyll a* (Chl *a*)

100

1. *Phragmites* (common)

9. 10. 11.

6. 2. 2.

1

